



TOSHKENT DAVLAT YURIDIK UNIVERSITETI REKTORINING B U Y R U G ' I

06.04.2023

194-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet rektor buyruqlari, Odob-axloq kodeksi hamda boshqa hujjatlarni buzish holatlari kuzatilmoqda.

Xalqaro huquq va qiyosiy huquqshunoslik fakultetining davlat granti asosida ta'lim oluvchi 4-kurs talabasi Anvaraliyev Siyovush Hamralizodaga universitet rektorining 2022-yil 11-oktabrdagi 308-um-son buyrug'i bilan 2022/2023-o'quv yili kuzgi semestrida 2022-yilning 1-oktabridan 2023-yil 5-martigacha Polshaning Gdansk universitetida xalqaro akademik mobillik dasturiga muvofiq o'qishni davom ettirishga ruxsat berilgan.

Talaba S.Anvaraliyev Polshaning Gdansk universitetida xalqaro akademik mobillik dasturida ishtirok etish uchun yozgan arizasida, kafolat xatida hamda xorijiy ta'lim muassasasining qabul qilinganlik xatida xorijda o'qishning muddati 2022-yilning 1-oktabridan 5-martigacha qayd etilgan bo'lib, talaba S.Anvaraliyev fakultet dekanati tomonidan bir necha marta ogohlantirilishiga qaramasdan universitet rektorining 2022-yil 11-oktabrdagi 308-um-son buyrug'ida ko'rsatilgan muddatda Polshaning Gdansk universitetidan O'zbekiston Respublikasi TDYUga qaytib kelmagan.

Shuningdek, talaba S.Anvaraliyev Universiteti rektorining 2023-yil 11-martdagi 142-tm-son buyrug'i bilan Intellektual mulk huquqi kafedrasida o'qituvchisi Muqumov Bobur Meliboy o'g'li rahbarligida Farg'ona viloyati So'x tuman prokuraturasida 2023-yilning 13-martidan bitiruv malakaviy amaliyotini o'tash belgilangan bo'lib, talaba mazkur buyruqlar bilan telegram orqali ogohlantirilgan bo'lishiga qaramasdan O'zbekiston Respublikasi TDYUga qaytib kelib, bitiruv malakaviy amaliyotini o'tashni boshlamagan.

Talaba S.Anvaraliyev 2023-yil 3-apreldagi tushuntirish xatida ayni vaqtda Polshada ekanligi hamda O'zbekiston Respublikasiga o'z vaqtida qatymaganini tasdiqlagan.

Talaba mazkur harakatlari bilan Universitet rektorining 2022-yil 11-oktabrdagi “Xalqaro akademik almashinuv asosida xorijiy ta’lim muassasasida o’qishni davom ettirish to’g’risida”gi 308-um-son buyrug’i, Universitet kengashining 2022-yil 29-noyabrdagi 4-son majlis bayonnomasi bilan tasdiqlangan “Toshkent davlat yuridik universitetida xalqaro akademik mobillikni tashkil etish to’g’risida”gi nizomning 23-bandiga muvofiq TDYU talabasi xorijiy olit ta’lim muassasasidagi xalqaro akademik mobillik dasturi bo’yicha o’qishining muddati tugaganidan so’ng O’quv-uslubiy boshqarmaga rektor nomiga ariza, ta’lim dasturi va akademik ma’lumotnomani taqdim etishi, shuningdek Toshkent davlat yuridik universiteti Odob-axloq kodeksining 5-moddasi Universitet xodim, talaba va doktorantlari O’zbekiston Respublikasi qonunchiligiga so’zsiz rioya qiladilar hamda o’z xizmat va o’qish majburiyatlarini lavozim yo’riqnomalari, mehnat shartnomalari TDYU Odob-axloq kodeksi qoidalari, Universitet Ichki tartib qoidalari hamda ta’limga oid boshqa me’yoriy hujjatlarga muvofiq bajarishiga oid talablarini buzgan.

Yuqoridagilarni inobatga olgan holda Oliy ta’lim to’g’risidagi nizom (ro’yxat raqami 1222, 2003-yil 22-fevral) 51-bandi, Universitet rektorining 2022-yil 11-oktabrdagi 308-um-son buyrug’i, Universitet kengashining 2022-yil 29-noyabrdagi 4-son majlis bayonnomasi bilan tasdiqlangan “Toshkent davlat yuridik universitetida xalqaro akademik mobillikni tashkil etish to’g’risida”gi nizomning 23-bandi, Toshkent davlat yuridik universiteti Odob-axloq kodeksining 5-moddasi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Universitet rektorining 2022-yil 11-oktabrdagi “Xalqaro akademik almashinuv asosida xorijiy ta’lim muassasasida o’qishni davom ettirish to’g’risida”gi 308-um-son buyrug’i, Universitet kengashining 2022-yil 29-noyabrdagi 4-son majlis bayonnomasi bilan tasdiqlangan “Toshkent davlat yuridik universitetida xalqaro akademik mobillikni tashkil etish to’g’risida”gi nizomning 23-bandi va Toshkent davlat yuridik universiteti Odob-axloq kodeksining 5-moddasi talablarini buzganligi uchun Xalqaro huquq va qiyosiy huquqshunoslik fakulteti 4-kurs talabasi Anvaraliyev Siyovush Hamralizodaga hayfsan e’lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e’tiboriga yetkazilishi va keng muhokama qilinishini ta’minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabani shaxsiy hujjatlar yig’majildiga buyruq nusxasi tikilishini ta’minlasin;

mazkur holat takror sodir etilsa, talabani talabalar safidan chetlashtirish mumkinligi to’g’risida ogohlantirsin.

4.Mazkur buyruq bajarilishini nazorat qilish prorektor D.Umarov zimmasiga

yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Bosh mutaxassis

B.UZOQOV



Direktor

SH.PO'LOTOV



Bo'lim boshlig'i

J.AXMEDOV



Katta yuriskonsult

A.TURSUNOV

